



Broj: 01/1-50-1-18/07  
Sarajevo: 16.07.2007. godine

**Z A P I S N I K**  
**sa 18. sjednice Ustavno-pravne komisije**

Sjednica je održana dana 16.07.2007.godine s početkom u 10:00 sati.

Sjednici su prisustvovali članovi Komisije: **Šefik Džaferović, Drago Kalabić, Martin Raguž, Lazar Prodanović, Ekrem Ajanović, Halid Genjac, Velimir Jukić, Momčilo Novaković, Lazar Prodanović i Adem Huskić.**

Pored članova Komisije sjednici su prisustvovali predstavnici Kancelarije koordinatora Brčko Distrikta BiH Siniša Kisić i Goran Duka, OHR-a Maja Ribar, Direkcije za implementaciju CIPS projekta Amila Tahirbegović, Ministarstva pravde BiH Milana Popadić, Ministarstva civilnih poslova Damir Dizdarević, OSCE-a Ana Balić, Ministarstva vanjske trgovine i ekonomskih odnosa Dušan Nešković i Rasim Šećerović.

Sjednici je prisustvao Igor Bajić, sekretar Komisije, stručni saradnik u Ustavno pravnoj komisiji Nedžad Salman i stručna saradnica zaposlena u Sekretarijatu PS BiH Ivana Šupeta.

Predsjedajući Komisije je predložio, a Komisija je jednoglasno usvojila sljedeći

**DNEVNI RED:**

1. Verifikovanje Zapisnika sa 17. sjednice, održane dana, 26.06.2007. godine;
2. Prijedlog zakona o vinu i rakiji i drugim proizvodima od grožđa i vina, predlagač Vijeće ministara Bosne i Hercegovine ;
3. Prijedlog zakona o poljoprivredi, prehrani i ruralnom razvoju, predlagač Vijeće ministara BiH;
4. Prijedlog zakona o izmjenama i dopunama Zakona o Vijeću ministara Bosne i Hercegovine, Zakon, broj 01,02-02-9-35-4/06 08.09.2006);
5. Prijedlog zakona o izmjenama Zakona o upravnom postupku, predlagač Vijeće ministara BiH;
6. Prijedlog zakona o izmjenama i dopunama Zakona o upravnim sporovima BiH, predlagač Vijeće ministara BiH;
7. Prijedlog zakona o besplatnoj pravnoj pomoći u građanskim stvarima, predlagač Vijeće ministara BiH;
8. Prijedlog zakona o sportu, predlagač Vijeće ministara BiH ;
9. Ostala pitanja:
  - a) Zahtjev za autentičnim tumačenjem člana 3. stav (2) Zakona o jedinstvenom matičnom broju, ("Službeni glasnik BiH", broj: 32/01), podnosilac zahtjeva Federalno ministarstvo unutrašnjih poslova;
  - b) Zahtjev za autentičnim tumačenjem člana 48. Zakona o radu u institucijama BiH, ("Službeni glasnik BiH", broj: 26/04,7/05 i 48/05), podnosilac zahtjeva Spoljnotrgovinska komora BiH;
  - c) Zahtjev za autentičnim tumačenjem člana 3. stav (1) i člana 10. Zakona o finansiranju političkih partija, ("Službeni glasnik BiH", broj: 22/00), podnosilac zahtjeva Općinsko vijeće Općine Stari Grad Sarajevo;
  - d) Zahtjev za autentičnim tumačenjem člana 18. stav (3), Zakona o osiguranju depozita u bankama BiH, ("Službeni glasnik BiH", broj: 20/02), podnosilac zahtjeva Centralna izborna komisija BiH;

- e) Zahtjev za autentičnim tumačenjem člana 93. i 97. Zakona o policijskim službenicima BiH, ("Službeni glasnik BiH", broj: 27/02) 63/04,5/06,33/06 I 56/06), podnosilac zahtjeva Sindikat Granične policije BiH;
- f) Zahtjev Ustavnog suda za ocjenu usaglašenosti Pravilnika o naknadama za putne troškove sudija Ustavnog suda BiH sa Zakonom o platama i drugim naknadama u sudijskim i tužilačkim institucijama na nivou BiH.

#### **Ad. 1. Verifikovanje Zapisnika sa 17. sjednice održane dana 26.06.2007. godine;**

- Komisija je jednoglasno verifikovala Zapisnik sa 17. sjednice održane dana 26.06.2007. godine.

#### **Ad. 2. Prijedlog zakona o vinu i rakiji i drugim proizvodima od grožđa i vina;**

Komisija je nakon provedene rasprave sa **osam glasova "za", bez glasova "protiv" i jedan "uzdržan"** utvrdila sljedeće:

- Ponuđeni tekst prijedloga zakona o vinu i rakiji i drugim proizvodima od grožđa i vina ima valjan ustavno-pravni osnov za donošenje;
- Ponuđeni tekst prijedloga zakona je usaglašen sa Ustavom BiH i pravnim sistemom;
- Ponuđeni tekst prijedloga zakona se može uputiti u dalju zakonodavnu proceduru.

#### **Ad.3. Prijedlog zakona o poljoprivredi, prehrani i ruralnom razvoju;**

Predsjedavajući je otvorio raspravu o ovoj tački dnevnog reda u kojoj su učestvovali Momčilo Novaković i predstavnik Ministarstva vanjske trgovine i ekonomskih odnosa gosp. Šećerović. Novaković je predložio da se o ovom prijedlogu raspravlja na sljedećoj sjednici. Predsjedavajući je dao prijedlog na glasanje te sa četiri glasa „za“ i četiri glasa „protiv“ i jednim „uzdržanim“ ovaj prijedlog nije dobio potrebnu većinu.

Komisija je nakon provedene rasprave sa **osam glasova „za“, jedan „protiv“, bez „uzdržanih“ glasova** utvrdila sljedeće:

- Ponuđeni tekst prijedloga zakona o poljoprivredi, prehrani i ruralnom razvoju **ima valjan ustavno-pravni osnov za donošenje;**
- Ponuđeni tekst prijedloga zakona je **usaglašen sa Ustavom BiH i pravnim sistemom;**
- Ponuđeni tekst prijedloga zakona se **može uputiti u dalju zakonodavnu proceduru.**

#### **Ad.4. Prijedlog zakona o izmjenama i dopunama Zakona o Vijeću ministara Bosne i Hercegovine, Zakon, broj 01,02-02-9-35-4/06 08.09.2006);**

Predsjedavajući je otvorio raspravu u kojoj su učestvovali: Drago Kalabić, Martin Raguž, Ekrem Ajanović, Adem Huskić, Halid Genjac i Siniša Kisić-koordinator Kancelarije Brčko Distrikta BiH.

Komisija je nakon provedene rasprave i razmatranja uputa iz odluke Doma utvrdila da se rasprava o ovoj tački dnevnog reda odloži za sljedeću sjednicu kako bi se pokušao pronaći kompromis te osiguralo vrijeme za dodatne konsultacije u vezi sa spornim članom 27. Zakona.

Prijedlog predsjedavajućeg je usvojen sa sedam glasova „za“, bez glasova „protiv“ i dva „uzdržana“ glasa.

#### **Ad.5. Prijedlog zakona o izmjenama Zakona o upravnom postupku BiH, predlagač Vijeće ministara BiH;**

Komisija je nakon provedene rasprave jednoglasno utvrdila sljedeće:

- Ponuđeni tekst **Prijedloga zakona o izmjenama Zakona o upravnom postupku ima valjan ustavno-pravni osnov za donošenje;**
- Ponuđeni tekst prijedloga zakona je **usaglašen sa Ustavom BiH i pravnim**

- **sistemom;**
- Ponuđeni tekst prijedloga zakona se **može uputiti u dalju zakonodavnu proceduru.**
- Komisija je jednoglasno podržala **principe predloženog Zakona.**

#### **Ad.6. Prijedlog zakona o izmjenama i dopunama Zakona o upravnim sporovima BiH, predlagač Vijeće ministara BiH;**

Komisija je nakon provedene rasprave jednoglasno utvrdila sljedeće:

- Ponuđeni tekst **Prijedloga zakona o izmjenama i dopunama Zakona o upravnim sporovima BiH ima valjan ustavno-pravni osnov za donošenje;**
- Ponuđeni tekst prijedloga zakona je **usaglašen sa Ustavom BiH i pravim**
- **sistemom;**
- Ponuđeni tekst prijedloga zakona se **može uputiti u dalju zakonodavnu proceduru.**
- Komisija je jednoglasno podržala **principe predloženog Zakona.**

#### **Ad.7. Prijedlog zakona o besplatnoj pravnoj pomoći u građanskim stvarima, predlagač Vijeće ministara BiH;**

Predsjedavajući je otvorio raspravu u kojoj su učestvovali Momčilo Novaković, Milana Popadić- predstavnik Ministarstva pravde BiH i Halid Genjac.

Komisija je nakon provedene rasprave sa **četiri glasa „za“, jedan „protiv“ i četiri „uzdržana“** utvrdila sljedeće:

- Ponuđeni tekst **Prijedloga zakona o besplatnoj pravnoj pomoći u građanskim stvarima ima valjan ustavno-pravni osnov za donošenje;**
- Ponuđeni tekst prijedloga zakona je **usaglašen sa Ustavom BiH i pravim sistemom;**
- Ponuđeni tekst prijedloga zakona se **može uputiti u dalju zakonodavnu proceduru.**

Nakon toga, predsjedavajući je otvorio raspravu o principima predloženog zakona u kojoj su učestvovali Momčilo Novaković, Lazar Prodanović i Milana Popadić.

- Komisija je sa **sedam glasova „za“, jedan „protiv“ i jedan „uzdržan“** podržala **principe predloženog Zakona.**

#### **Ad.8. Prijedlog zakona o sportu;**

Predsjedavajući je otvorio raspravu u kojoj su učestvovali Halid Genjac, Martin Raguž, Momčilo Novaković i Ekrem Ajanović.

Predsjedavajući je zatim predložio da Komisija podrži principe, s tim da se nakon usvajanja Zakona u Domu u prvom čitanju provede javna rasprava u skladu sa članom 114. Poslovnika Doma.

- Komisija je sa **osam glasova „za“, bez glasova „protiv“ i jedan „uzdržan“** podržala **principe predloženog Zakona.**

#### **Ad.9. Ostala pitanja**

**a)** Zahtjev za autentičnim tumačenjem člana 3. stav (2) Zakona o jedinstvenom matičnom broju, ("Službeni glasnik BiH", broj: 32/01), podnosilac zahtjeva Federalno ministarstvo unutrašnjih poslova; Komisija je nakon provedene rasprave utvrdila sljedeće:

Zahtjev za autentično tumačenje je podnio podnosilac zahtjeva u skladu sa Zaključkom o autentičnom tumačenju zakona, drugih propisa i opštih akata ("Službeni glasnik BiH" broj 24/04).

Komisija je jednoglasno prihvatila prijedlog predsjedavajućeg da se o ovoj tački dnevnog reda odluči po prijemu mišljenja Vijeća ministara, kao i da za sljedeću sjednicu Komisije bude pripremljen kompletan materijal o ovom zahtjevu.

**b)** Zahtjev za autentičnim tumačenjem člana 48. Zakona o radu u institucijama BiH, ("Službeni glasnik BiH", broj: 26/04,7/05 i 48/05), podnosilac zahtjeva Spoljnotrgovinska komora BiH;

Komisija je nakon provedene rasprave jednoglasno prihvatila prijedlog predsjedavajućeg da se o ovoj tački dnevnog reda odluči po kompletiranju materijala o ovom zahtjevu iako je Vijeće ministara dostavilo mišljenje o ovom zahtjevu.

**c)** Zahtjev za autentičnim tumačenjem člana 3. stav (1) i člana 10. Zakona o finansiranju političkih partija, ("Službeni glasnik BiH", broj: 22/00), podnosilac zahtjeva Općinsko vijeće Općine Stari Grad Sarajevo;

Komisija je nakon provedene rasprave jednoglasno prihvatila prijedlog predsjedavajućeg da se o ovoj tački dnevnog reda odluči po kompletiranju materijala o ovom zahtjevu.

**d)** Zahtjev za autentičnim tumačenjem člana 18. stav (1), tačka 3) i 11) Zakona o osiguranju depozita u bankama BiH, ("Službeni glasnik BiH", broj: 20/02), podnositelj zahtjeva Centralno izborna komisija BiH;

Komisija je jednoglasno prihvatila prijedlog predsjedavajućeg da se o ovoj tački dnevnog reda odluči po prijemu mišljenja Vijeća ministara.

**e)** Zahtjev za autentičnim tumačenjem člana 93. i 97. Zakona o policijskim službenicima BiH, ("Službeni glasnik BiH", broj: 27/02) 63/04,5/06,33/06 i 56/06), podnosilac zahtjeva Sindikat Granične policije BiH;

Komisija je nakon provedene rasprave jednoglasno prihvatila prijedlog predsjedavajućeg da se o ovoj tački dnevnog reda odluči po kompletiranju materijala o ovom zahtjevu.

**f)** Zahtjev Ustavnog suda za ocjenu usaglašenosti Pravilnika o naknadama za putne troškove sudija Ustavnog suda BiH sa Zakonom o platama i drugim naknadama u sudijskim i tužilačkim institucijama na nivou BiH.

Komisija je jednoglasno odlučila da:

- u skladu sa članom 137. Poslovnika nije ovlaštena da daje ocjenu o usaglašenosti akata sa zakonom;
- obavijesti Kolegijum da iz zahtjeva proizlazi da postoji problem u vezi sa Pravilnikom koji treba riješiti;
- o odluci Komisije obavijesti Ustavni sud BiH.

Kako nije bilo više drugih pitanja, predsjedavajući Komisije je zaključio sjednicu u 12:30 sati.

SEKRETAR KOMISIJE  
Igor Bajić

PREDSJEDAVAJUĆI KOMISIJE  
Šefik Džaferović